

Corfica & Sardinia.

542

Regio unde dicta

Situs.

Soli fertilitas.

Animalium va-
rietas.

Imperium majo-
rum.

CORSICA a *Corfo* ejus tertæ Domino dicta : alii a qualitate cacuminis Montis alicujus dictam vo-
lunt. Græci hanc *Κύρρον* appellaverunt, a *Cyrno* Herculis Filio : *Therapne* ab Ovidio nominata est, ut
scribit Villanovanus. Ab Occidente & Septentrione respicit Mare Ligusticum : ab Ortū Tyrrenum : a
Meridie Sardiniam. Longitudo mill. cxx non excedit : licet Strabo mill. clx, Plinius cl ponat :
Latitudinē hic lx mil. facit : ille lx, quod verum esse ex dimensione per circinum constat. Ambitus secundum
Plinium mill. cccxx : secundum alios cccv & cccix : secundum Maginum cccxxv, quod se per dimensio-
nem exactam reperisse scribit. Insula est ab omni parte aditu difficilis, cum præruptis undique collibus com-
prehenfa sit. Interius similiter magna ex parte montosa, ideoque Frumenti neque Leguminum adeo ferti-
lis est : quæ nisi paucis quibusdam locis crescunt, ubi se aperit, atque fluminibus & aquis irrigatur, ac feracis-
sima redditur. Ea pars quæ respicit Etruriam est mediocriter plana, habetque ibi fecundum solum & pro-
ducit nobiles ac dulces Fructus. Vina Insulæ, præstantissima, primæque nobilitatis, & a Romanis semper expe-
tita, *Corfica* a loco dicuntur. Mellis & Resinæ hic magna ubertas : Olei item & Ficuum. Caterum Mella Cor-
ficana amara esse notavit Servius in i v Georg. Fitque id ob Taxicopiam, è qua Apes Mella legunt. Venenata
etiam credidit Ovidius. Solus hic Ager lapidem gignit *Catochitem*, quem Democritus Abderites etiam in cer-
tamina contra Magos adhibuit. Rhennius de Corfica :

Hanc solam perhibent Catochitem gignere Terram : Corporibus lapis hic seu glutine tactus adheret. Similia tradunt
Plinius lib. xxxvi i cap. x & Solinus cap. ix : sed Plinius de rei fide ambigit. Alumen quoque hic reperitur : &
Ferri fodinæ sunt apud fl. *Bivincum* in Comitatu *Nebienfi*. Sunt, & Salinæ vulgo dictæ *della Roja*, non longe
a Portu S. Florentii : & prope *Niolum* sunt valles profundissimæ perpetuis nivibus scatentes, sub quibus ai-
unt Crystallum copiose latere. Nascitur etiam in ea magna copia Buxus teste Plinio, & Diodoro, nec non
Taxus arbor venenata. Animalia producit varia : Equos in primis feroces, & Canes venaticos spectatæ mag-
nitudinis, *Musmo* quoque animal, Plinio auctore hic est, arietis genus, *Mofoli* hodie vocant : Animal præ-
terquam in hac Insula & Sardinia nusquam apparens in tota Europa. Habet corium & pilos instar Cervi,
& cornua instar Arietis, non longa sed retro circum aures reflexa præcipuæ duritiei, ut si altitudine l pedum
præcipitetur inter saxa, ac capiti incumbat, non lædatur ; magnitudinem retinet Cervi mediocris, solisque
herbis vescitur, cursu præditum velocissimo, carnesque habens gustu sapidas. Ovis insuper & Bobus re-
ferta est. Insula omnis jam olim maligne culta, primum a *Phocensibus*, tum a *Liguribus*, post etiam a *Romanis*
qui duas Colonias eo deduxerunt, *Marianam* & *Aleriam*, quæ adhuc exstant. Cætera *Barbari* tenuere : pro-
inde cum Romani in eos irruerunt, magnum servorum gregem captum Romam abduxerunt : exiguo fructu
quod tam nequam servi essent, tamq; bruti, ut quamvis vile emerentur, tamen Dominos semper emptionis pœ-
niteret. *Romanis* succedere *Saraceni* : his *Genuenses* : tū *Pisani* : hodie vero iterum ad *Genuenses* jus rediit. Nunc bifa-
riam in i partes eam distinguunt, Plagam quæ Orientem solem respicit, Latus interius : partem huic obversam,
Latus